



# Будь готов/ ЯМДЕ-ЛИЙ

1933 ий 1 февраль годсек лектеш.

0+

## Йоча газет – эре пеленже



Фотом еш-архив гыч налше

«Ямде лий»  
дене»  
конкурсый  
пурышо паша.

«Ямде лий» газетым кидышке кучетат, тудын деч ойырлаш огеш лий: иктым лудат, весым шергалат, сүретым чиялтет, кроссвордысо йодыш-влаккан вашмутым кычалат... Пөртыштö, уремыште я пүртүс лонгаште улметымат от шиж. Артём Иванов (**снимкыште**), Йошкар-Ола гыч коваж деке Морко район Кугу Шале ялыш толмекежат, йоратыме газетше деч огеш ойырло. Рвезе йомакым возаш кумылан. Тудо эн ондак возымо пашаже, сүретше-влакым кычалеш, вара йолташыже-влакын лүмыштым онча да лудеш. Түрлö уштодышым ышташ йората. Пеленже коважым шында.

Йолташ-влак, «Ямде лий» йоча газет гына огыл, тудо еш газет. Тудым кеч-могай ийготан еҥлан лудаш оҥай. Ача-ава, коча-кова-влаккан кугурак ойлымашым, пайдале ой-каҥашым, йоча-влаккан изирак заметкым савыктена, туньктышо-шамычлан урокышто кучылташ методике материалым темлена. Налза, лудса «Ямде лийым»!

**Х.АЛЕКСАНДРОВА.**

### Лудса:

3 С.Иванован кидешыже шүртö гыч модыш «ылыжеш». Тудын могай модышым пидмыж нерген лудса.

4 Республикысе йоча да самырык-влаккан В.Х.Колумб лүмеш книга-гудо «Мый йоратем родной элемым» конкурсый иктешлен. Кöмыт сенышыш лектым пален налнеда гын, лаштыкнам шергалза.

5 «Самырык журналист» возаш туньктышо кучык курсыш паша лектышыж дене палдарена.

6 Рывыжиге могай шүрым кочнеже улмаш? Турня ден Ушкыж чодыраште могай йолташым вашлийыныт? Нине йодышлан вашмутым йоча-влакын йомакыштышт муыда.

### ПОДПИСКЕ

Пагалыме туньктышо, ача-ава, коча-кова, йоча-влак! 2021 ийын икымше пелийжылан «Ямде лий» газетлан ПОДПИСКЫМ ышташ вашкыза!

Рекламе.

Индекс – П4696.  
Ак – 366 тенгеат  
72 ыр.



## Сеңымаш

«Педагогический дебют-2020» всероссийский конкурс иктешленит. Туныктышо-влак тений урокым онлайн йон дене эртареныт. Йоча-шамычым монитор гоч икымше гана ужын, вашкылым ыштеныт. Тиде заданийым иктешлымеке, Москош Российын 80 субъектше гыч 136 самырык туныктышым, воспитательным, йочасад вуйлатышым, психологым, класс вуйлатышым ўжыныт.

*Звенигово районсы «Светлячок» йочасадын туныктышо-дефектологшо А.В.Архипова (снимкыште) «Молодые педагоги дошкольных образовательных организаций» таңасыште сеңышыш лектын.*



## «Шыже пайрем»

1-4-ше класслаште тунемше-влак «Шыже пайремым» онлайн эртареныт. Йоча-влак шыже нерген сўретым сўретленит. Шке командышт дене палдареныт, шыже нерген мурым муреныт, почеламутым сылнын лудыныт. «Шыже лышташ» (туныктышо – Л.Н.Кириллова) ден «Чулым икшыве» (туныктышо – И.Г.Кириллова) команде-влак чолгалыкым ончыктеныт.

**Ольга БОКОВА.**

Морко, Шўргыял.



## Сылне марий ўдыр

Кужэгер тўвыра пўрт Марий Элын 100 ияш лўмгечыжлан пўлеклалтше «Марий ўдыр – сылне ўдыр» онлайн конкурсым эртарен. Тушко куд марий ўдыр ушнен. Ме видео гоч шкенан нерген каласкаленна. Тыгак творческий номерым ямдыленна. Мый кокымшо верыш лектынам да «Марий ўдыр – шыма ўдыр» таңасыште палемдалтынам.

**Аня АНДРЕЕВА.**

Кужэгер, Тошто Йўледўр.



Фотом еш архив гыч налме

## Историйым шергалына

**19 ноябрь – Артиллерийын да ракетный войскал кечыже.**

1942 ий ты кечын Сталинградшыште 7 шагатат 30 минутлан «Катюша-влак» лўйылташ тўжалыныт. 3500 орудий 80 минут жапыште фашист войскал обороным кўрлын. А 8 шагатат 50 минутлан совет войска «Уран» наступательный операцийым тўжалын.

1805 ий 16 ноябрьшыште князь Петр Иванович Багратионнын вуйлатыме руш войска Шёнграбен (Австрий) воктене кугу чотан да вьян француз войскал чактарен.

## Сайын каненам

Шижынат шым шукто, шыже каникул эртенат кайыш. Шыже кече пеш кўчык, сандене жапым пайдалын кучылташ тыршенам. Кажне кечылан планым ыштенам. Книгам лудынам, экзаменлан ямдылалтынам, яндар южышто лийынам, капкылым шуаренам. Тунемме чырык деч вара сайын каналтенам. Бнде у вий дене келге шинчымашым налам.

**Анна ГЕРАСИМОВА.**

Морко, Коркатово.



19-21 ноябрьшыште Йошкар-Олаште «Шўвыр» тўнямбал фестиваль эрталтеш. Тушто шўвыр дене шоктышо солист, ансамбль-влак мастарлыкштым ончыкташ тўналыт. Фестиваль 19 ноябрьшыште 18 шагатлан Э.Сапаев лўмеш Марий кугыжаныш опер да балет академический театрыште почылтеш.

«Разговор о правильном питании» программе дене пашам ыштыше туныктышо-влак усталыкштым методике конкурсшшто терген кертыт. А йоча да ачава-влаклан «Здоровые дети помогают планете» еш фотоплакат конкурс темлалтеш. Регионысо этап 2021 ий 6 апрель марте шуйна. Тўрыс уверым [edu.mari.ru](http://edu.mari.ru) сайтыште ончыза.

21 ноябрьшыште «Волонтёры Победы» всероссийский мер толкын «За пределами» тўнямбал исторический квестым эртара. Тудо Нюрнбергский процесслан 75 ий теммылан пўлеклалтеш. Квестыш ушнышо-влак историй, математике, логике да моло сынан заданий-влакым шуктат. Квест 15 шагатлан тўналеш. [VictoryGame.org](http://VictoryGame.org) сайтыште возалтман.



**«Ямде лий» 2020 ий 14 ноябрь**

*Кидпаша кумылым нөлта, кандара, көн гын йөратыме пашашкыже савыр-на. Йошкар-Олаште илыше С.А.Иванова – кок икшыван ава. Тудо яра жапыштыже крочок дене модыш-влакым пидеш. Мастер кидыштыже маска, пуре, рывыж, ур, меран, тўрлө курчак-влак «ылыжыт». Утларакше йоча-влаклан пөлек олмеш пидеш, пытартыш жапыште йодмо почешат пашам ышта.*

– Светлана Альбертовна, кидпашалан изинек шўман улыда, очыни, сандене тендан кидыште крочок «юзыш» савырна.

– Ковам, кугезе ковадат кидпашалан мастер лийыныт. Кажныже урген, тўрлен, пидын моштен. Тўрлымө ўстембалшовыч, лапчык-влак гыч ургымо одеял, куымо шартыш пўртыштө ямым пуртеныт. Витле ий утла аралалтше ўзгарышт мыланем эн шерге улыт. Ожнысо шергакан ыштыш-влакым ончен, мыйынат ыштен ончыдем шуын. Кызыт кидпаша деч посна ик кечымат ом эрtare.

– **Молан лач модышым ойыренда?**

– Ўдыремын шочмо кечыжлан йолташем пидме модышым пөлеклен. Яналан моткоч келшен. Крочок дене пидме техникым изиш паленам, сандене шке пидын онченам. Шўртө-влакын могай улмыштым, могай шўртө гыч модыш пушкыдырак лиймым келгырак пален налаш тыршенам. Икымше гана курчакым пидынам. Вара ўдырем «Ми-ми-мишки» мультфильм гыч рывыжым йодын. Эргымлан маскам пидынам. Тыге икте почеш вес модыш-влак йочашамычын модыш пўртышкышт «илаш» кусненыт. Модышым пидаш Интернет гоч йодшо-влак ешаралтыныт.

– **Персонаж-влакым кушеч налыда?**

– Модышым пидаш тўналме деч ончыч могай тудо лийшашым вуйыштем сўретлем. Тидын годым фантазий сайын пашам ыштышаш. Тўсым ойырем, южгунам Интернетыште модель-влакым ончем. Ик вере тувыр

## Шўртө гыч модыш «шочеш»

келша, вес вере – йолчием, кумшо вере вуйчием сўралын коеш. Кажне модышым чоным пыштен пидам. «Копилкыштем» мультфильм, йомак гыч ятыр персонаж погынен.

– **Те тыгак парняш чиен курчак театр-ла модаш йоршө курчак-влакым пидыда.**

– Кидпашалан мыйым ўдырем ден эргым кумылаңдат. Нуно йомакым моткоч йоратат. Тўрлө



Фотом еш архиве гыч налме

**Амигуруми** – тиде име, крочок дене изи яныкым, курчакым, сумкам, пеледышым да моло тўрлө модышым пидмаш. Эн ончыч Японийыште шарлен. Ты йылке гыч кусараш гын, «пўтырен пидаш» манмым ончыкта.

персонажым пидмеке, «Маша да Маска», «Ўяча» йомак-влакым эн ончыч шке модын ончыктенам, вара Яна ден Егорлан темленам. Нунылан моткоч келшен. Тыге мўнгыштына курчак театрым почынна. Тидыже йоча-влаклан шке гыч йомакым шонен модаш моткоч пайдале.

– **Пашада ушныжо, кидда лывырге лийже.**

**Е.ИВАНОВА** мутланен.



## Ура! Икымше вер!

Ме классыштына 14 йоча тунемына. Туныктышына – Нина Васильевна Никифорова. Шукерте огыл «Шыже фантазий» конкурс-ончер лийын. Уло класс дене ушненна. Костя Александров онгай шоншым ыштен, Полина Пушкина – композицийым, а Максим Степановын пеледыш аршашыже чыла-лан келшен. Тыге ме 1-4-ше классла коклаште икымше верым налынна. Ура!

**3-шо классыште тунемше-влак.**

**Волжский, Пётъял.**



**Анастасия УРСАКИН** сўретше.  
**Советский, Ёрша.**

**«Ямде лий» 2020 ий 14 ноябрь**





## ТУКЫМ УЛЫНА

### Кугешнем

Марий Эл Российын эрвел ужашыштыже верланен. Ожнысо ең-влак ты верыш толмылан öкынен огытыл. Кундем вудлан, чодыралан, янлыклан, кайык-вусылан поян лийын. Садлан илаш кодыныт. Марий калык ожнысек турло нелылыкым ужын илен, но чонжо поро кодын. Тыге лач корго виян айдеме веле ыштен кертеш. Мый марий кундемеш шочмемлан йывыртен илем.

**Алексина АЛЕКСЕЕВА.**  
Морко, Коркатово.



## Эн лишыл кундем

Марий Эл Республикын шудо ияш лумгечыже вашеш Республикысе йоча да самырык-влаклан В.Х.Колумб лумеш книгагудо «Мый йоратем родной элемым» почеламутым лудмо конкурсым онлайн йон дене эртарен. Тений тудо визымше гана лийын, 421 тунемше ушнен. Сылнымутлан шуман удыр-рвезе-влак марла да рушла лудыныт. Жюри йоча-влакын мастарлыкыштым ончен, ийготыштым шотыш налын, кум туска дене сенышым ойырен.



**1-ше верым налше-влак:**

**1-4-ше класса коклаште:**

марла – Виолетта Чиркова (Параньга, Олор).  
Рушла – Екатерина Ефимова (Морко, Шордур).

**5-9-ше класса коклаште:** марла – Анастасия Соловьёва (У Торъял, Какшанмучаш). Рушла – Арина Степанова (Волжск олесе лицей).

**Кугурак класса да студент-влак коклаште:**  
марла – Илона Александрова (снимкыште) (Морко, Шордур). Рушла – Альбина Трудинова (Йошкар-Олесе сервис технологий техникум).

**Е.ИВАНОВА.**



### Кроссворд

**Н.Лекайнын «Шортньö падыраш» повестьше почеш**



## Патыр калык

Мо тыгай почмо кундем? Тиде почмо-кушмо вер. Тушто тый кошташ, икымше шомакым ойлаш тунемынат. Тушто икымше гана велосипедыш шинчынат, уремыште йоча-влак дене пырля модынат. Тушто чылажат моткоч чот лишыл да шергакан.

Мыйын почмо верем – тиде Шернур кундем. Тудо пуртүсшо дене веле огыл ойыртемалтеш, эн кугу поянлыкше – районышто илыше патыр калык. Шочмо вер тазланыже, пеледалтше, волгыдо ончыкылыкан лийже манын, калык моткоч чот тырша.

**Костя КОНАКОВ.**

**2-шо номеран Шернур школ.**

### Шола гыч пурлашке:

2.Шемер Микушын шужарже. 4.Произведенийын тун геройжо. 5.Шемер Микушын ачаже. 7.Эгер. 8.Школ директор. 13.Удыр. 14.Микушын шольыжо. 15.Ял. 16.Рвезе. 18.Пий. 19.Удыр. 20.Микушын кочаже.

### Кышыч йлыкö:

1.Конюх. 3.Пионервожатый. 6.Имне. 9.Фамилийже Мухарадзе. 10.Колхоз лум. 11.Рвезе. 12.Имне. 17.Колхоз председатель.

**В.СМИРНОВ.**

Медведево район Руэм школышто

финн-угор йомак-влакым лудмо арня эртаралтын. Лудмо деч вара йоча-влак поснак чот келшыше йомак почеш суретым суретленит. Эн шуко паша марий калык йомаклан полеклалтын.



**Снимкыште: Катя ВЕРЕНИЧ суретше-влак дене.**

**Л.ИВАНОВАН фотожо.**





## Шочмо кечет дене!



Фотом школын архивше гыч налме.

Марий Элын 100 ияш лүмгечыжлан пөлек-лалтше пайрем-лан чот ямдылал-тынна. Ме, ту-немше-влак, шочмо эл нерген почеламу-

тым лудынна. Мый Сергей Чавайнын «Ото» почеламут-шым ойленам. Мыланем Родион Небогатиковын лудмыжо эн чот келшен. Ме, 4-ше классыште тунемше-влак, мурым муренна (снимкыште). Кажне класс Марий Эл нерген презентацийым ямдылен.

Даниил ЯКИМОВ.

У Торъял, Токтарсола.

## Куэ ден пүнчө

Куэ, мардеж ден модшыжла,  
Шып пүнчө тослан пелешта:  
– Лиеш пыртак куандарем,  
У ий кожла сорастарем?

Пүртүсын түсшө – кугу вий,  
Күрен, ухарге, шөртнөб, ший.  
Пошкудо семын кушкына  
Да вашла ме тауштена.

Юлия УСОВА.

Марий Турек школ.

## Книга – йолташем

Мый книгаг лудаш йоратем. Куд ияшем годым сайын лудын моште-нам. Авам модыш ноутбукум налын пуэн. Тудын дене пайдаланен, чыла цифр ден буква-влакым тунемынам. Изинек книгагудыш коштам, книга – мыйын йолташем. Йоратыме авторем – Я.П.Майоров-Шкетан. Мыланем «Ече», «Мыйын упшем» произведений-влак келшат. Мыскара ойлымаш-влак поснак чоным савырат. М.Шкетанын сылнымут пашаже дене конкурс-лаштат мастарлыкем ончыктенам.

Дима ВЕДЕНЬКИН.

1-ше номеран Шернур школ.



лудыч, мурым мурышт,  
Салика дене пырля түрлө кон-курсышто мастарлыкыштым ончыктышт.

Теве Коля Головин аваж дене пырля руаш гыч мотор сүретым ненчен (снимкыште).

И.СЕМЕНОВАН фотожо-влак.  
Медведево, У Арбан.

## Шочмо йылме

Мотор марий йылмым Изинек йоратена.  
Аван шөржө ден шыген,  
Ушым пойдарен кушта.  
Шочмо йылмым тунемаш  
Моткочак онай улмаш.  
Сай, тыршен тунем, йолташ,  
Илыш корныш шогалаш.

«Рвезе йүк» кружокыш  
коштшо-влак.

Морко, Купсола.

## Канышым вучем

Каныш кече лишемеш,  
Изи шүмем вургыжеш.  
Коча-ковам деке ялыш  
Унала кайыдем шуэш.

Капка ончылно кочам  
Шыргыж вашлиеш мемнам.  
Шинчаштыже

тул модеш,  
Кече гае шыргыжеш.

Анна ВИНОГорова.  
Звенигово, 2-шо №-ан  
Красногорский школ.



## Лудаш йоратем

Кажне йочан йоратыме книгаже уло. Ик книга весела кумылым луктеш, воштылта. Весе пүртүсын поянлыкше дене палдара, янлык ден кайыкын илышыштым ончыкта. Кумшо илышым умылаш полша, айдемын сай ден уда койышыж нерген каласкала.

Мый гын пүртүс нерген лудаш йоратем. Шукерте огыл школ книгагудышто «Птицы России» книгаг налым. Тушто шуко түрлө кайык нерген возымо. Мутер почеш марла лүмыштым шарнаш тыршышым. Пеш онай йонгалтыт. Вес гана янлык-влак нерген книгаг налам.

Лиана МОСОЛОВА.

Советский,  
Шуарсола.



Иленыт ул-маш кова ден коча. Нунын йоратыме Машук уныкашт лийын. Икана

Кова ден коча, вуйым сакен, Пыл деке ошкылыныт.

– Пыл, Пыл, тый чыла ужат, чыла эскерет. Мемнан Машукнам ужын отыл?

– Таче понго йур лийын. Чодырашке кайыза. Понго аланыште муыда уныкадам.

– Тау, Пыл! – кова ден коча, тауштен, йывырген, чодыра могырыш куржыныт.

## Машук йомын

изи удыр, ниголан каласыде, чоды-



раш каен. Туштыжо мынар понго! Машук моткоч йывырген.

Кова, пашам пытарымекыже, уныкажым кочкаш удын. Но ниго вашештен огыл.

– Машук йомын, нигушто уке! – кова шорташ тунгалын.

– Ойгырен шинчаш нимолан! – пенгыдын ойлен коча. – Кече деке каена. Тудо куншыч чыла ужеш.

– Поро Кече, тый Машукым ужын отыл?

– Уке, мыйым ятыр жаплан Пыл петырен ыле. Пыл деч йодса.

Могай гына понго шочын огыл: ошкуресе, куэвонго, коявапка, шопкевапка... Машук корзинга тич понгым поген.

– Ковам ден кочамлан полекым ыштем, – муро семын ойлен удыр.

Тиде йукым коча ден кова колыныт. Куржын миен, Машукым ондалыныт. Куанымышт дене шортын колтеныт.

– Уныкам, кугыен деч посна чодыраш ит кошт! – туныктен ойлен коча.

Дина ГЛУШКОВА.

Шернур, Койсола.

## Рывиж ден Мераң

Илен улмаш ик Рывижиге. Тудо ачаж гаяк чоя кушкын. Икана пеш чот шужышо Рывижиге чодыра корно дене кудалын. Мераңым вашлийын. Рывижиге лудшо янлыкым руалташ понен да шке семынже шоналтен: «Э-э, таче мераң шурым кочкам!» Шувылвудшак йоген лектын. Тыге шонкален шогымыж дене шижынат огыл, кузе изи Мераң, пылт-полт койын, чодырашке шикшалтын.

Эх, чоялыкшат полшен огыл!

Алина КОСАРЕВА.

У Торъял, Токтарсола.



## Турня ден Ушкыж

Иленыт улмаш Турня ден Ушкыж. Ик кенеж кечын кок йолташ чодырашке каен. Ошкылыныт, ошкылыныт да йомыныт. Кас шуын. Йудым чыве йолан порт деке миен лектыныт. Тушто Вуверкува илен. Тудо кок йолташлан чайым йуктен, малаш пыштен. Эрдене каяшышт корным ончыктен. Тыге Турня ден Ушкыж у йолташым муыныт.

Артём ИВАНОВ.  
Йошкар-Ола,  
24-ше №-ан школ.



Шола гыч пурлашке:

4.Кайымыж годым

тиде семузгарын йукшым колын.


5.Пампалче, тушан шинчын, акаж деке каен.

6.Чодыра

оза. 7.Марий кочкыш. 10.Чием. 12.Пампалчым ко поктен? 14.Сурт. 16.Пампалче пюешыже мом йыген? 17.Ший Пампалчын ачаже.

## Кроссворд

«Ший пун Ший Пампалче» йомак почеш



Кужыч улкыж:

1.Энер. 2.Йомакысе удыр. 3. Пампалче пеленже мом налын? 4.Акажын марийже. 8.Янлык. 9.Шем Вудон мом ушшалын? 11.Ачажын каласыме шомакше. 12.Янгелде кугыза мом кучен илен? 13. Латкок ... 15. ... Вудон. 16. Сафьян йолчием.

В.КУГОРНО.

## Кум Кокласола

Мый Коркатово лицейыште тунемам. Ты ялым калыкыште Кокласола маныт. «Тыгай лүман ял республикыште эше уло мо?» – шоналтышым семынем. Кычалым, кум ялым верештым. Икте – Волжский райо-нышто, кокимшо – Кужанер велне, кумшо – Курыкмари могогыршто.

Палаш онай: вес районласе Кокласолам молан тыге лүмденыт? Возен колтыза, йоча-влак.

**Анастасия ИВАНОВА.**

Морко район.

**Палаш онай**

АМОРОЗОВАН фотожо.



**Лышташ аршаш**

кидыштына

Шөртнялге-ал түс ден йолга.

Мемнан моткоч изи чонна

Той шыжылан пеш куана.

Снимкыште: Параньга район Матародо школын 1-ше классыштыже тунемше ұдыр-рвезе-влак.

Археолог-шамыч мемнан курым деч 6 тўжем ий ончысо тўмырым муы-ныт.

Тўмырым кырен шинчыше егла койшо сўретым Америкыште верешты-ныт.

Акрет годсо ел-



влак, оңыштым кырен, кугу йўжым луктын, шылгочшо янлыкым лўдыктеныт. Тиде койыш тўмырым шонен лукташ полшен.


**15 ноябрь – Тўмырзын кечыже.**

## Сөралә шыжым

Моткоч сөралә шыжым:  
Йырваш шөртнялге түс.  
Мый тудым кызыт шижым,  
Мемнан поян пүртүс.  
Садерыште пеш тымык,  
Лышташ велеш шыман.  
А кайык-влакын йўкышт  
Шагал йонга кумдан.

**Н.ГОДУНОВА.**

Йошкар-Ола.



Сўретым чиялтыза.



Снимкыште: Ульяна МАКАРОВА (2-шо номеран Морко школ).

Коваем моткоч мастар. Мыйым шога-ным пунаш тунукта. Шоган кочо гынат, тазалыклан пайдам конда.

**«Ямде лий» 2020 ий 14 ноябрь**



Индекс: П4696.

Тираж 1150 экз. Заказ  
Формат – А-4-8.

Тўн редактор Л.В.СЕМЕНОВА

[https://vk.com/yamde\\_lji](https://vk.com/yamde_lji)  
<https://ok.ru/yamdellj>

E-mail: [yamde\\_lji@mari-el.ru](mailto:yamde_lji@mari-el.ru)  
(документ кагазлан),  
[yamde\\_lji@mail.ru](mailto:yamde_lji@mail.ru)  
(автор-влаклан)  
Сайтын адресше:  
[yamdelij.rp](http://yamdelij.rp)

**УЧРЕДИТЕЛЬ-ВЛАК:** Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогым эскерыше Федеральний службын Приволжский федеральный округысyo управленийыштыже регистироватлыме.

Номер – ПИ №ФС 18-1999,  
2005 ий 10 февральыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийн шонмашышт түрлө лийын кертыт. Серыш-влак мбнгеш огыт колталт.  
Ак – кутырен келшыме почеш.


Редакцийн да издателышын адресше:  
424006, Йошкар-Ола, СССР Вооруженный Вийын 70-ше идалыкше урем, 20-шо порт.  
Тел. 8(8362) 45-22-82(факс)



Фотом рӯддерин архивше гыч налме.

**Мастар кид**

Теве тыгай кайысгым кагазгым тобыштыгын ыштен очгыза.



**Снимкыште:** Йошкар-Оласе Йоча да самырык-влаклан йоча технике усталык рӯдер пеленысе «Роботым ышташ лиеш» ушмыш коштшо Сергей Жаматов ден Саша Чебоксаринов. Нуно мужыр дене пашам ыштат. Вуйлатышышт – Е.А.Петрова. Сергейлан ача-аваже 2573 деталь гыч шогышо машинам пӧ-лекленыт, инструкций почеш шке поген.

**Бэль ден Белоснежка йомакышке вашкат. Мотор макияжан чурийым сӯретлен, нунылан ямдылалташ полшыза.**



Пример-влакым шотлен, сӯретым чиялтыза.

**Тушто**

*Ош телым, шошым, шыжымат  
Сумкам эре пырля налам.  
Пелен коштеш кенежымат.  
Палет мо мыйым, мо улам?*



**Пырыслан лейке марте корным муаш полшыза.**

Корно теве тыгай пеледыш радам гыч шога:



**«Ямде лий» 2020 ий 14 ноябрь**

Интернететсе сӯрет-влакым кучылтмо.